



BANA SAMIN ZƏPKONO

Ləptəmanzə — Watson Goodman

Ladobe gənyı — desulbe

BANA SAMIN ZƏPKONO

“Bana Samin Zəpkono” də kəreno ayawa Kitawu Tahirbe foto foton gowotə. Suro kitawuwaben kitawubima bayanna Kitawu Tahirgai bawo.

Mana Alabedə samin zəpkono. Shi kuru karəgə kam awo Alaye səraana kəndoro karəgən kənaa nguduabe maro faidaa. Sa kamyə təpsə, bigə kəndo wazə, Bargaande Yisa Almasihuga karəgənzəro isə gagəro hadanzəgə, kuru kəla jirenzəben bargaande Yisa Almasihuga shafamanzəro kasatciya, Kəmaye kəlanzəga shiro bayanzəgə hattaa kuru karəgə shi kam shiga kasatsəna adəbemarə karəgə kəji-a tamtam-a səkkin. Wuma tamtam adəmadə təng 1937 lan wuga suwandəna ngaima kunkuntensoro suron kargako. Martəgəne shiga Kəmanəm ye Shafamanəm yero moye kəlanəmnga shiro yē ngaltema yimiga.

—Watson Goodman 1920-2002

Kanuri (NT) Linjila, Bargaande Yisa Almasihube, Bible Society of Nigeria © 1997.
Used by permission.

Yaye son Alaye kərawonzəga andiro tawatsəgəna: andi bi-gəma duwo Almasihu andi nankaro konu. –Rumanwu 5:8

Kawu ngəməri sokku Kəma-ye Kəlaan Kozənabedən bur-wonro, Yisaye wəktunzə dina adəga kolzə na Bawabero wal-təbedə sətənarə asuwono. Kuru ngo ummawanzə dinabedəga zauro səragənədə, daji cotro kərawonzədəga sandiro fəleji-wo. –Yahaya 13:1

Yisa Almasihu sattəma jire-be, kwa shima cinowon bur-

wowo maiwa dinabega su-notində-aye Ala nandiro her-a nəlefa-a kazarzəgə. Nərga-a kəntuwo-adə shi andiga kərawonzəro kərmunzəmben bi-gəndelan səkkawu.

–Wahayi 1:5

Awoa saawu adəbero Alaye dinaga sərawu Tadanəzə tilo longga kaino, ndu duwo yaye shiga kasatsənamadə wande yizənyi, amma ro abadabe səwandə nankaro. –Yahaya 3:16

Kamye sawawanzə nankaro ronzə ladodə, kərawo adəga kozəna bawo. –Yahaya 15:13

Ashir adinndebedə zauro cibbu: Kamro walzə bayengatə, Ruhu Alabe yeye shiga dalzəna, malaiyawasoye shiga soruna, am sammaro amye shiga satsaana ye, kuru amsoye dinan shiga kasatsana ye, adəgaima Alaye shiga samiro hapsə shiga nərgazəgəna ye.

–1 Timoti 3:16

“Wu-a Awanyi-adə tilo.”

–Yahaya 10:30

Awowa anyi sammabe watənzadə awo duwonyi Kəmaye ci nawiben gulzənadə cimbəlio. “Wono, Ngo kəlayakə suro gozə tada kwanga

sambu shiga Imanuwellan bowozain, maana Imanuwelbedə,” “Ala rokkonden.”

–Matiyu 1:22, 23

Yisaye shiro wono, “Wu-a nandi-adə ku ngəwuro kargaiye, amma adəson, Filibus, wuga nonəmī? Ai, kam wuga surunamadə, Bawa yega suruna. Ngama gəle Bawadəga andiro fəlesaane nəmin? Ra suro Bawaben kargako, Bawa ye suronyin kargaro yasəramī? Mana nandiro gulnzaakində kakke gənyi, Bawa suronyin dəganadə shima cidanzə sədin.”

–Yahaya 14:9, 10

Ndu duwo yaye Yisadə Tada Alabero kasatsənamadə suro Alaben karga, Ala ye suronzən karga.
-1 Yahaya 4:15

Jibirillaye jaapsəgə shiro wono, “Ruhu Alabe kəlanəmro zəpsəgin, kəntuwo Ala Mai Kərmai Kəmbobe ye nyiga zangnjin. Dalil adəbero tahir tambin adə Tada Alabelan bo-wotin.”
-Luka 1:35

Yilza Yisaro gada, “Tada Alabe, abi lambinəm andilan, wok-tuma sətənyin andiga azawu-təro wa kadim?” gada.
-Matiyu 8:29

Shində biya fowo yiryirajin isə sandiga təmgono. Kowo suro fowobedən nuksə wono, “Adəma Tadanyi zauro raakə-namawo, shima karəgənyi za-uro kəjizuwo, shiga gaiwo,” wono.
-Matiyu 17:5

Kamdəye jaapsəgə, “Barga-nəmin, ndu shiwo, ca shiga kasanngin,” wono. Yisaye shi-ro wono, “Shiga rumma, shi-ma nyiro mananzəgindəwo,” wono.
-Yahaya 9:36, 37

Awoa hal Alabe samma nəm’adam Almasihuben na-pkono.
-Kolosiwu 2:9

4 YISAYE NDU SHIWORDO KƏLANZƏ BAYANJI

Kuru Yisaye sandiro wono, “Nandi cidin kadiu, wu samin kadiko. Nandi dina adəbe, wu dina adəbe gənyi.” Yisaye sandiro wono, “Labudda haiyaro nandiro gulnzaakin, kawu Yuwuram tambinman burwonro wu mbeji.” –Yahaya 8:23, 58

“Wuro Sayinna nuwi, wuro Bargaande nuwi, labudda adəma wuwo.” –Yahaya 13:13

Daji Yisaye nanazəgə wono, “Wuma kəmbu ro fandobewo. Kam nanyiro isənamadə kənaa dəgainbawo, kuru kam wuga sasəranama ye nguduye

gadero shiga sətainbawo.”

–Yahaya 6:35

Kəla adəben Yisaye sandiro waltə wono, “Labudda haiyaro nandiro gulnzaakin, wuma gaworam dimiwabedəwo.”

–Yahaya 10:7

Yisaye shiro wono, “Wuma kəmanzə cinowo-a ro-abewo, kam wuga kasatsənamadə bajiya yaye roa dəgain.”

–Yahaya 11:25

Yisaye shiro wono, “Wuma diwaldəwo, wuma jiredəwo, wuma rodəwo; nduma wumben gənya na Bawabero ishinbawo.”

–Yahaya 14:6

Jamadəga səkkə kəla kaj-
imben nanapkadanya, bənyi
indidə-a gurasa uwudə-a gozə
kəlanzə samiro hapsə Alaro
askərzə, gurasa uwudəga nzo-
nzoksə fuwurawadəro cə jama-
dəro yayakcaa. Sandi samman
zawu sandiga təngər cito. Kuru
fifilno duwonyi gapsə fuwu-
rawadəye sapsanadə zowo me-
wun indin nga fer səmbəlio. Am
duwonyi kəmbu adəga zawu-
nasodə, kamu-a tada-a dawun
baro kwangawa alamanga də-
wu uwugai. –Matiyu 14:19-21

Simanye jaapsəgə, “Barganə-
min, bune ngaso cidiyeso abi-
ma taiyende diye. Yaye nyiye

gulləmmadə nankaro, bərgi-
dəga yirgəkin,” sə bərginza yir-
jaanya, bənyi tərəm bərgin-
zadəga kamjingai cata.

–Luka 5:5, 6

Ngaima ci diwalben kəmbu-
wa laa indi napsana duwo Yisa
kojin fangadanya, kowo hapsa,
“Barganəmin, Diwo Daudabe,
andiga njimalsane,” gada. Daji
Yisa...wono, “Abi nandiro di-
kiya raau?” sə sandiga cuworo.
Jaapsaa, “Barganəmin, shim-
nde rayiye,” gada. Daji sandiga
njimalzə shimnzaga leyanya,
tənyi fərəmtə shiga jaa.

–Matiyu 20:30, 32b-34

YISA ALMASIHUDƏ SHIMA KƏMANDE ALAKTƏMAWO

Shimben abi-a abiana-aso alakkada; awo samin dəgana-a cidin dəgana-a turinma-a turinbama-a kərmai-a kəntuwo-a hukuma-a martawa-aso samma shimben alakkada; adəgaima shi nankadəmaro.

–Kolosiwu 1:16

Kalmadəmben abi-a abiana-aso mowongono; shimben gənya aləgəbima mowonzənyi.

–Yahaya 1:3

Kuru adəgaima nərga Ala Awandebero samma Yisa Almasihudə shima Kəmandeworo satsain. –Filifiwu 2:11

“Adə nankaro, ngamdənza İsrayilawu sammaye noza: Yisa kam rowuwama adəma Alaye Almasihu ye Kəma yero sədo.”

–Kingayama 2:36

Alaye...amma zaman dargebe adəlan Tadzəmben andiro manajiwo. Shimben dinaga alakkono, shima kuru abi-a abiana-asoga kəmbumaro kədarzuwo. –İbranawu 1:1a, 2

Awoa Almasihu nu waltə roaro walzə cizənədə, Kəma maitu-a kam roabe-aro walzədəma nankaro nu waltə roaro walwono. –Rumanwu 14:9

YISA ALMASIHU SHIMA AM SAMMA SHARAJIN 7

Saawunzədə andi samma fuwu Alaben danyen nankaro.

–Rumanwu 14:10b

Fuwu Ala-a Yisa Almasihu shi duwo am roa-a maitu-asoro shara sädindäben nyiga dongäna, hurmo känshenzä-a kərmainzäbe-aro. –2 Timoti 4:1

“Sa Tada Kambe suro nər-ganzäben malaiyawa samma rokkonzännaro ishiya, kəla dəgalinzä kərmaiben napcin. Fuwunzəlan am dinabe samma saptai, shi ye ruminga alamanga sunyima dimiwaga dawu kanyiwaben sutuluyinga-

iro amdəga zəga karapka indiro yakcin.” –Matiyu 25:31, 32

“Awadə shara ndubema sädinbawo, amma izunu shara kamtabedə samma musko Taddadəbero cikko.” –Yahaya 5:22

Bushara sanngindəye wono, yim Alaye Yisa Almasihu futamben ashir karəgə ndubeso howumnjindən adəma futu waljinwo. –Rumanwu 2:16

“Kuru shima kam duwonyi Alaye sharatəma maitu-a am roa-abero galazoro sannyoworo andiga səkko.”

–Kingayama 10:42

Wuma gaworamdəwo, ndu duwo yaye wumben gagənamadə, katə səwandəna. Bəriro awonzə gayin ye, suluyiya sunyeram səwandin. –Yahaya 10:9

Yisaye shiro wono, “Wuma diwaldəwo, wuma jiredəwo, wuma rodəwo; nduma wumben gənya na Bawabero ishinbawo.” –Yahaya 14:6

Adəgaima kəlewa səlaiyin cidanzə tamowononya, shafatəma am shiga zaanabe fərtəro abadaro walzə. –Ibranawu 5:9

Caman adəma nankaro nandiro bigəndoa nuwidə gulwo-

ko. Biya wuma shiwooro kasanuwīga, bigəndoa nuwi.”

–Yahaya 8:24

Bani adam samma bigə sadəna, adəgaima nərga Alabero zutsanyi. Amma her duwo Alaye de sulro sədənadən Yisa Almasihuye kurwowunza gotamben fuwunzən dalgada.

–Rumanwu 3:23, 24

Nzəkkawodə nanzən gənya na ndubeman təwandinbawo, awoa shin nguron dina adə kubbason kambima kam duwonyi sunzəmben nzəkkawo fandiye sə Alaye amarzəgəna bawo.”

–Kingayama 4:12

Awoa shima Almasihubero nandiga sədə Almasihu hiki-mandero walzo. Shi futamben fuwu Alaben dalgaiye, shi futamben am Alabero walgaiye, kuru shi futamben fuwu Alaben shafa ciwandiye ye.

–1 Korintiwu 1:30

Adəgaima kaiya bəlin yeza gada, “Nyidə kitawudəga gonəm jeronzəga witaro rang-nəmma, saawunzədə nyiga duwazana, adəgaima bunəmlan suru kaduwu woso-a təlambibe woso-a jili woso-a umma woso-aben Alaro am yiwumma nankaro.”

–Wahayi 5:9

Kərawon dəgaiwo, futu Alma-

sihuye andiga sərawu ronzo andi nankaro napta sadaa kəji bəbətcinben Alaro layaro cinadəgairo.

–Afisawu 5:2

“Awoa caman awo fatsəgəna manəm yikkawo nankaro Tada Kambe ye kadio.”

–Luka 19:10

Awa shi kərmainzə nurben razəgənzə duwonyi amnzəgoro sərgantəgənan kəbumaro nawuwaro nandiga sədənadəro askəraga yiwi. Awoa shima nandiga kəntuwo kəlməskəben sutuluwu kərmai Tadanzo rawobero səkko. Shimben kurwo-wunde gotə, bigənde gafərgatə.

–Kolosiwu 1:12-14

Kərmunzəmben fuwu Alaben dalnyenadə, ashe shin futamben ngəlamaro gərgatə Alabero kanyen. –Rumanwu 5:9

Awoa Almasihube kərmu nankaro gafəra fandiye kaatiye. –Afisawu 1:7

Adəma bunyi duwonyi wadə bigə am kadabe gafərtə nankaro fizanadəwo. –Matiyu 26:28

Nandimaye awo nandiga yaruworo Alaye fizə hal faida baa yeiyandosoben waratanu-

wadən səkkawunadə, awo laa liwulagai au dinargai yijin gənyiro nonuwa. Nandiga bu darajaa bu Almasihubelan cikkawo. Yisaga awo waata ba balo ye baro layaro cido.

–1 Biturus 1:18, 19

Amma futu shi suro nurben dəganadəgai, andi ye diwal andiro fəlezəgənadən dəgaiyeiya, kate andi-a amandeben nəmkkamma, daji bu Tadzanzə Yisabe ye bigənde samma tulzə andiga shiralro sədin. –1 Yahaya 1:7

SHAFI FANDODƏ ALMASIHU KƏNZASƏRALAN 11

Awoa her Alabedəma səkkə Almasihuga kasannuwa nankaro kaatuw; adə ye kasadəndoro gənyi, nzando Alabe. Saawu adəbero ndumaye, “Cidanyi nankaro,” sə wamjinba-wo. –Afisawu 2:8, 9

Alaga kənzəsərande nankaro fuwu Alaben dalnyenadəga, Bargaande Yisa Almasihumben andi-a Ala-a kələwaatiye. –Rumanwu 5:1

“Bargaande Yisaga kasanne, nyi-a yalwanəm-aso katə fanduw,” gada. –Kingayama 16:31b

Daji shiga soworu gada,

“Abi gəle diye awowa Alaye sərəgəna diyen?” Yisaye jaap-səgə wono, “Cida Alaye sərəgənamadə, kam sunotənamaga kasannowo.”

–Yahaya 6:28, 29

Amma adəmadə Yisadə shima Almasihu Tada Alabedəworo kasannowo, sunzə kasattəlan ro fanduw nankaro ruwowa-da. –Yahaya 20:31

Saawunzədə ndu duwo yaye Alaben tambunamadə dinaga wopsəgəna nankaro. Alaga kənzəsərandedə shima səkkə kəla dinaben kənasar ciwandiye. –1 Yahaya 5:4

Askæra Ala Awa Bargaande Yisa Almasihubero kajiwo, Awa kanjinobe, Ala kəmanzə karəgə gənatabe.

–2 Korintiwu 1:3

Awoa Tada Kambedə caman awo fasogəna yitkaworo kadio. Adəgaima Awando samibe ye duli anyibe falnza fattaadə nyanzə gənyi.

–Matiyu 18:11, 14

Andiga cikkawo; andiga yikkawonzədə awo laa ngəla shiro diyena nankaro gənyi kanjinonzə nankaro Ruhunzəye andiga tulta tambo bəlinmi-

ben tulzə andiga bəlinro cido.

–Titus 3:5

Saawu adəbero, nda kollowo ngamdə sərro dəgali Alabe herbe naro gərtəgəiyowo, Ala ye hernzən andiga njimalsa, sokku mərədənde cizənalən mərədənde laadarro banasa.

–Ibranawu 4:16

Askæra Ala Awa kəmanzə Bargaande Yisa Almasihubero kajiwo, kanjinonzə nankaro Yisa Almasihuga kərmun sangomben kəntambi bəlinlan andiga səsambu, təma murshero karəgəndega cikko.

–1 Biturus 1:3

ALAYE NANZƏRO ISHIWORO ANDIGA BOWOJIN

13

Ruhu Alabe-a Lorusa-aye, “Are,” gada. Kuru kam fanzəna wosoye, “Are,” gulzə. Ndu duwo yaye ngudua səragənamadə isə nji robe de sulro sa. –Wahayi 22:17

“Arowo nanyiro, nandi ngənəptuwa katkun kurwowua sammaso, nandiro tusu nza-dəkin.” –Matiyu 11:28

Yisaye shiro jaapsəgə wono, “Kam laa nasha ngəla kura dawarzə am ngəwu hadarjiwo. Woktu nasha kəmbubedə citənya, waladinzəga sunotə,

am hadarzəgənadəga bowozə sə, daji lezə, ‘Arowo abiso dawargata,’ wono.”

–Luka 14:16, 17

Yim adəma ngəmərīdəbe dargedajinzə yim adəma kurawodəwolan Yisa cizə datənzəro dazə, kowo hapsə wono, “Kam ngudunzəamadə isə nanyin sa.” –Yahaya 7:37

Yisaye adəga curoga karəgənzəye wazə fuwurawanzəro wono, “Dulisoga kollowo nanyiro isa wande sandiga damnuwī, kərmai Alabedə jilinzabe.” –Markus 10:14

14 AM SAMMA GƏNYI DULI ALABEWO

Futu am Alabe-a Yiwulisabe-a gayirnyendə adəma futunzəwo: ndu duwo yaye awo ngəla sədinba au kamanzəga səragənyimadə Alabe gənyi.

–1 Yahaya 3:10

Am duwo Ruhu Alabe sandiga shimojinsodə sandi duliwa Alabe. Alaye Ruhunzə nandiro cinadə nandiga kənjitəgəma gənyi sokko yaanuwi. Ruhu nandiro cinadə nandiga dulinzəro dioma, adəmaro shimben Alaro, “Bawa, Bawa,” nyen. –Rumanwu 8:14, 15

Saawunzədə duli Alabe zaman am diwi karəgə yeska-

taaben napkadagai awo wata ba shalro wallowo nankaro. Dawunzan shillewugairo nunurnowo. –Filifiwu 2:15

Saawu adəbero dawunzan luwowo, kəlandoga kanowo, wande abima waataro letuwuwī, nandiga mowokin. Wu Awandoro walngin, nandi ye dulinyi tada-a fero-also wal-luwi, Kəma Kambo gulzo.

–2 Korintiwu 6:17, 18

Yaye am duwonyi shiga samowu sunzəga kasatsanamasodəro nərga duli Alabe kaino. –Yahaya 1:12

AWO ALAYE KƏLA MBALBEN GULZƏNADƏ 15

Hal tigəbesodə gərantənyi: kənzənaso nəmzanyiso awo fantəmaro nonguasoo sanam abatəso kəmbafiso duwunso luwalaso awo kammaro ngəkciso karəgəzauso kaanəm wonya kamma baso tawaabaso nəmkam firtaso ngəktəso saarantəso hal mbalmabeso-a gapsənanzaso-a. Futu can nandiro baritəgəkənadəgai kuru baritəgəkin, am hal jili anyi sadinsodə kərmai Alabelan nuwanza bawo.

–Galatiwu 5:19-21

Kollowo halnde hal kausubega sandənaro walz, wande awo nongushimiso saarantəso nyi-

me sharaye wazenaso awo sandənyi kəndoso luwalaso ngəktəso walzənyi. Susu adəbədəro hal Bargaande Yisa Almasihube gonowo.

–Rumanwu 13: 13, 14a

Fuwu Kəmbəben tadadə kuraro waljin, wande nji anabbe-a awo laa saaranbe-a ye sanyi, kawu tambin burwonro Alaye shiga Ruhunzən səmbəlin.

–Luka 1:15

Da kəmbu-a nji anabbe kənza-a awo gade dio-aye kamanənga diwallan sutuluyinga, awodəga kəndo bama ngəlawo.

–Rumanwu 14:21

Yisaye shiro wono, “Kəma Al-anəmga raye karəgənəm samma shiro kolgataaro. Adə shima shara kura burwobewo.”

–Matiyu 22:37, 38

Yisa letə badiwononya kam laa səgasə isə fuwunzən ngu-rumngurumzə shiro wono, “Mələm ngələma, abi dike ro abadabe fandəkin?” sə shiga cuworo. Yisaye shiro jaapsəgə wono, “Ngamaro wuro ngəla gulgam? Alan nguron nduma ngəla bawo. Sharawadəga nonəm-ma: wande kam yezəmī, wande kənzəna dimī, wande ndalləmī, wande shada kəmbi dimī, wande kam bumī, yanəm-a awa-

nəm-aro martawa ye.” Kamdə-ye jaapsəgə, “Sayinna, anyi samma təng wu ganalan jiyako,” wono. Yisaye lawartə kərawoben shiga lawarzə wono, “Awo falye nyiga mbauzəna: lene kəntanəm samma lade am duno baaro ye razəgə samin fandəmin. Adən are wuga gai,” wono. Adə kamdəye fanganya fəska dizə karəgə kuttua lewono, saawunzədə shi zauro galiwu nankaro. –Markus 10:17-22

Kam Tadadəga səwandənamadə ro səwandəna, kam Tada Alabega səwandənyimadə shilan ro bawo. –1 Yahaya 5:12

Wande kəlandoga yirwatuwī, Alaga faizainbawo: awo kam-ye sənātənamadə shima kam-də kərəmjin. –Galatiwu 6:7

Tadawaso, wande kolluw ndumaye nandiga sərwatənyī!... Kam bigə sədinmadə Yi-wulisabe, awoa shi Yiwulisadə burwonzəman bigə kəndoma. –1 Yahaya 3:7a, 8a

Ha, kam diwidə kərmai Alabelan nuwanzə baro nonuwī wa? Wande kasannuw nandiga sarwatənyī; nyime waata kəndoma-a sanam abattəma-a kənzənama-a luluma-a bar-

wu-a ndəlamma-a mbalma-a kamfaroma-a lusuranma-aso kərmai Alabelan nuwanza bawo. –1 Korintiwu 6:9, 10

Wande awo manadəye gulzəna fantəma basro walluwī, adə diuwinga kəlando fainuwī; amma susu adəbedəro awo manadəye gulzəna kəngamaro wallowo. –Yakub 1:22

“Saawunzədə am ngəwu sunyiga goza, ‘Wuma Almasihudəwo,’ sa am ngəwu sarwatain nankaro.” –Matiyu 24:5

18 BIGƏ KƏNDODƏ KƏRMU SUWUDIN

Kam fal futamben bigə dinaro kargawo, bigədə ye kərmu suwudo, saawu adə nankaro kərmu kəla am sammabero jiwa saawunzədə am samma bigə sadəna nankaro. –Rumanwu 5:12

Jarawa suro gojiya bigə sambin; bigə ye ngərsajiya kərmu sambin. –Yakub 1:15

Kam karəgənzə hal tigəben dəganamadə, kərmu shiga səwandin; amma karəgə duwonyi hal Ruhu Alabeben dəganadə ro-a nəlefa-an karga. Hal tigəbero karəgə nzəkkodə kəlado Alabero walta, saawunzədə shara Alabega zəganyı kuru təm-

maro zəgainba ye.

–Rumanwu 8:6, 7

Awowa duwonyi kərma sandiro nongunuwasodən abi gəle cadən sandilan riwaro fanduw? Riwanzasodə yega kərmudəma.

–Rumanwu 6:21

“ ‘Andi yayero ngəla gənyı wa kawuske diye kəji fantədə? Yanəmgana adə ca nuna amma kərma roa, ca fatsəgəna amma kərma təwandəna.’ ” –Luka 15:32

Awoa ajar bigəbedə kərmu, amma nzando Alabedə ro abadabe Bargaande Yisa Almasihu futamben. –Rumanwu 6:23

Amma Alabelāmedən Ruhu Alabeye shiga kərmun sangomben Tada Alabe kəntuwoaro tawatkatəgə, Bargaande Yisa Almasihu. –Rumanwu 1:4

Wononya, kowo hapsə, “La’azarus, are luye,” wono. Daji maitudə, shi ye təryerəna, musko ye təryerəna, fəskanzə baktan zakkata culuwo. Daji Yisaye sandiro, “Kare kutubedə winowo lezə,” wono.

–Yahaya 11:43, 44

“Kəla adəben Awanyiye wuga sərəgəna, awoa ronyi kolngiya, awonyi waltəke gongin nankaro. Kam nanyin gozəna bawo, wuma awonyi ngum-

nyiro kolngo. Izununyi ronyi koltəbe mbeji, izununyi ronyi waltəm gotabe mbeji. Adə Awanyi dero wuga səkko.”

–Yahaya 10:17, 18

Daji lezə ngangəradəga lezə, am maitudəga gozanasodə gəm daada. Daji Yisaye maitudəro wono, “Zairo, nyiro cine woko,” wononya maitudə cizə mana badiwono.”

–Luka 7:14, 15a

Wuma kəndəgamadəwo. Ca nukəna, amma kərma ngoshi roa abada abadinro kargako. Adəgaima kəntuwo kərmubə-a Hadesbe-aso muskonyin kargaga.

–Wahayi 1:18

“Sayinna, shara ndaso suro Taureben zauro kurawo?” sə cuworo. Yisaye shiro wono, “Kəma Alanəmgə raye karəgənəm samma shiro kolgataaro. Adə shima shara kura burwobewo. Kuru kən’indimibedə ye shigai: ‘Kamanəmgə kəlanəmgairo raye.’ Kəla sandi indi anyibedəman Taure-a kitawuwa nawiwabe-adə samma daada,” sə shiro Yisaye hapciwo. –Matiyu 22:36-40

“Futu Bawaye wuga səragənadəgairo wu ye nandiga ci-raako. Adə nankaro kərawonyilan dəgaiwo. Awo nandiro

gulngəna diuwinga, kərawonyilan dəgawi, futu wuye awo Awanyiye wuro gulsəgə dike kərawonzəlan dəgakənadəgai. Awo səkkə awowa anyi nandiro gulgəkənədə, karəgəkəjinyi nandilan dəga karəgəndo tai dazə kəjizə nankaro. Awo nandiga yikkəkənədə: kamandoga rawowo futu nandiga raakənadəgairo.”

–Yahaya 15:9-12

“Kamandoga rawowo, adə shara bəlin nandiro yiko. Futu nandiga raakənagai, nandi ye kamandoga rawowo.”

–Yahaya 13:34

Adəgaima na laa yen wono, Nazaru am hikimaabedə Kəmaye de sulro nozəna, wono.

–1 Korintiwu 3:20

Saawu adəbero woktunzə sətənyilan wande ndumaro shara gənawuwī, kollowo sa Bargandebero. Sa adədə awo kəlməskən dəgana-a awo karəgə kamman dəgana-aso sutuluyin. Adəgaima sa adəlan nduso awo Kəmaye shiga zaza ksəna səwandin.

–1 Korintiwu 4:5

Abima suro aləgə sammaben Alaye surinba bawo. Abi-abi-ana-aso fete farakro shiro

kajiwo, andi samma kuru isabi kəndondebe shiro yadiyen. Yisa Tada Alabe, limannde kura, kwa sami sammaga rezə kozə fuwu Alabero lezənadəga, nda adinndega musko indin taiyowo.

–Ibranawu 4:13, 14

Abima gərantənalalan farakro suluyinbama bawo, kuru ashirbe duwo fisattinbama ye bawo.

–Luka 8:17

Kəmande kwa shi duwonno adəga kure kuren yita'asuzəgənamadə gulzo.

–Kingayama 15:18

“Tada Kambeye malaiyawan-
zəga sunotə leza suro kərma-
inzəben am amga sakkə bigə
sadin-a am kəndo diwi sadin-
a samma hauza suro kannu təl-
təlajinbero fizaa surodən ces-
herə shelinza yelzai.”

–Matiyu 13:41, 42

Sami kube-a cidi kube-aso
mana Alaben kannuro kadar-
təgə gənaada, kiyama waajiya
am Ala nozanyi-a kəlza yi-
zain.

–2 Biturus 3:7

Azawu abadaro dəmjinlan
azawatai; Kəma-a kəntuwo
nərganzəbe-a sandi-adə shim-
təri.

–2 Tasoloniwu 1:9

“Muskonəm au shinəmye
nzəkkə bigə diminga kamne
gəmne. Kəla zadənəm kəlewa
səlai goza kannu abadaro nu-
inbaro kolzaaindəro nyiro ngə-
lanzədəga roro musko ye ba
shi ye ba gaamma ngalwo.”

–Matiyu 18:8

“Daji sandidə azawu abada
abadinbero kozaiya, mumin-
wasodə ro abada abadinbero
tamin.”

–Matiyu 25:46

Gərgatə Alabe samin kəla
ashiwa-a nəmdiwi ambe nəm-
diwinzalan diwal jirebe tut-
təmabe sammaro zəpsəgin.

–Rumanwu 1:18

“Saawunzədə shara jirebe dinaro kamzəgin sə kam shara-dəga kamtama galazə yim fal dina ngasoro kazarzuwo nankaro. Tawadə adəbedə am sammasoro kamdəga kərmun sangomben tawatciwo.”

–Kingayama 17:31

Saawu adəbero Aladə futu muminwaga jarawaro daptəbe nozəna, kuru adəgaima futu kəladowaga suro azawuben kiyama jetaro rotəbe nozəna.

–2 Biturus 2:9

Awoa ndunde woso fuwu dəgali shara Almasihuben dajin, adəgaima nduso ajar awo sok-

ku tigən dəganalan sədənabe, ngəla sədon kal diwi sədon kal səwandin. –2 Korintiwu 5:10

Kərawo karəgənden bəji ferjiya, kiyama waajiya abimaro rinyenbawo, saawunzədə dina adən andi shigai nankaro.

–1 Yahaya 4:17

Futu biya kam falro nuiya shiro shara kadartəgənadəgai.

–Ibranawu 9:27

Adəgaima maituwa ye ganankuran samma fuwu dəgalidəben dazana curuko; kitawuwa ye fərəmgada, kuru kitawu gade ye fərəmgada; shima kitawu robewo. –Wahayi 20:12a

Yaye son, nzando Alabe-a bigə kakande Adambədə-a tilo gənyi. Kəla bigə kam falben am kada yizaiya, ashe her Alabe-a nzando duwo her kam fal Yisa Almasihubeben təwandənədə-adə ci ngəwuro am kadaro her zəpsəgin.

–Rumanwu 5:15

Awoa nandidə her Bargaande Yisa Almasihubega nonuwa; wolau shi galiwu yaye, nandi nankaro talaaro walwono, saawunzədə kəntalaanzən nandi ye galiwunoworo.

–2 Korintiwu 8:9

Amma na duwo bigə ngəwuzənədə, her Alabe ye nādən tai dazə tərgain. Saawu adəbero, futu biya bigəye kərmu suwudənədəgai, her Alabe ye fuwu Alaben andiga daltan Bargaande Yisa Almasihumben ro abada abadinbe suwudin.

–Rumanwu 5:20b, 21

Kingayamadəye, shada Bargaande Yisa waltə roaro walzə cizənabedə, kəntuwoman kəntuwoaro nanazaa satcaa. Kuru her Alabe ye gana gənyi sandiga shimojin.

–Kingayama 4:33

Kuredə ambe nəmjahilnzaro Alaye bədinzə soworwono, amma kərmədə jama samma ndaran kasharwu yaye təpsa wono.

–Kingayama 17:30

Lala, sandiga bigən kozanaro gənyi, nandi ye təmnuwīga sandigai samma yinuwi.

–Luka 13:3

“Təmnowo, saawunzədə kərmai Alabe karəngzəna,” shinaro.

–Matiyu 3:2

Daji Biturusye sandiro wono, “Təmnowo, kəla Yisa Alma-sihu kasannuwaben ndundo-soga kasalza zanawundo gafərtə. Nandi ye daji Ruhu Ala-

bedə nzandoro fanduwi. Adə nankaro təmnowo Alaro kalaktəgənowo bigəwandoga cinza.”

–Kingayama 2:38; 3:19

Karəgəkutta Alaye səragənamədə kamga Alaro kalaksəgə shafa suwudin, amma karəgəkutta zawal Alaben bamadə kərmu suwudin.

–2 Korintiwu 7:10

Adəgaima nandiro gulnzakin, kəlele duwo kəla bigəma fal təpsənaben samilan tədin-də, muminwa filəgarin lukko ləgarin təptəsodəma sandilan məradətənyidəməga kozənarotədin.

–Luka 15:7

Amma bigəndega Alaro sat-kəgəiyeyiya, shi Aladə adal ye wadənzə namjinba nankaro andiga gafərzə, awo diwi sama karəgəndelan sutuluwu andiga tahirro sədin.

-1 Yahaya 1:9

“Saawunzədə amye nandiro aiwu sadə sandiro wawuw gafərnuyiya, Awando samibe ye nandiro wazəgə bigəndo gafərjin.”

-Matiyu 6:14

Yisaye futu Alaga kasatsanadə curunya kam tigə nuna-adəro wono, “Sawa, bigənəm gafərtəna,” wono. -Markus 2:5

“Nonowo barga su kam adə-bebedəman gafəra bigəbedə

təwandinro nandiro wurmonzagəiyen. Alaye kəmburamnəzəro shiga nərgazəgə, Israyilawuro diwal təptabe fəramzə bigənzaga gafərtəro, mai ye nzəkkawoma yero cido.”

-Kingayama 13:38b; 5:31

“Ngo wu cinnan daata nuk-kəgəkin; ndu duwo yaye kowonyi fanzə cinnadəga fəramzənamadə, suronzəro gaake kallo masana diyen.”

-Wahayi 3:20

“Kuru mawutə təmnowo bigəndo gafərzabedə Urusheliman baditə dina sammaro sunzəlan sattəgin.”

-Luka 24:47

Awoa her Alabe am samma-ga shafaro bayentəna. Hernzəye hal ibada kərizəna-a jara-wa dina adəbe-aro ngawo kalakkəgəiyoworo andiga allamzəna, dina adəlan kəlandero ciskəgəiye awo waata ba dəgaiye kəndəga Alaye səragənan dəgaiyowo-asoro. –Titus 2:11, 12

Awo samibero karəgə yikkowo, wande awo dinabero karəgə yikkuwī. –Kolosiwu 3:2

Wande cida batti faida baa kəlməskəbe amye sadindəga fatkuuwī, fisanowo.

–Afisawu 5:11

Wande dina-a awo dinabe-a

rawuwi, ndu duwo yaye dinaga səragənamadə kərawo Alabe karəgənzən bawo. Awoa awowa dinabe samma awo tigəye səragəna-a shimye ləgapsəna-a awo amye kəlan tokkortai-asodə samma Bawabe gənyi dinan coluwo. –1 Yahaya 2:15, 16

Yanyi am aman baaso, nonuwī wa dinaga sawatədə Alaga watəro? Ndu duwo yaye dinaga sawazənamadə watəma Alabero walzəna. –Yakub 4:4

Wande nandi-a am amanna sadənyiso-a lamarndo tilozənyi. Nəmkam jilibi kate nəmgəla-a nəmdiwi-aben dəga?

–2 Korintiwu 6:14a

Kam Tadadəga səwandəna-madə ro səwandəna, kam Tada Alabega səwandənyimadə shilan ro bawo. –1 Yahaya 5:12

Ndu duwo yaye Alaben tam-bunamadə bigə sədinbaro non-yena, saawunzədə Tada Alabeye shiga zaksəna, adə nankaro kəladodəye shiga lejinbawo. –1 Yahaya 5:18

Amma kərma ba nandiga bargaga su Bargaande Yisa Almasihube-a Ruhu Alandebe-an tulza Alabero walluw fuwu Alaben dalluwa.

–1 Korintiwu 6:11b

Yisaye shiro jaapsəgə wono, “Tawadəro nyiro gulnzəgəkin, walta gənyi kamga cashambo-ga, kamyə nozə Alaga kolzə Alaye shiga sunotinbawo.”

–Yahaya 3:3

Saawunzədə, ndu duwo yaye Almasihuga kasatsənədə aləgə bəlinro walzəna, hal dinədə ba bəlin isəna nankaro.

–2 Korintiwu 5:17

Nandiga lakkəyinro walta cashambo. Adamndodə adam kənuma gənyi, nandidə adam mana Alabebe, mana Alabe roa abadaro karga.

–1 Biturus 1:23

BIGƏRO MAITU — ALMASIHUNBEN ROA 29

Can nandi maituwa, hal diwi-a bigə-aye nandiga cezəna. Hurmo Almasihuben Alaye andi-a Almasihu-aso səsangə samın naptəram andiro kaino.

–Afisawu 2:1, 6

Shi kəlanzə bigənde kasatsə kəlaro gozə tigənzən azawu bigəndebe kəla kəskaben gowono, saawunzədə bigə-a firtiye kəndəga Alaye səragənan dəgəiyowo nankaro. Bərdinzəlan nəlefa ciwanduw.

–1 Biturus 2:24

Nandi-a Almasihu-a kəlza roaro sadə sasangənadəga, awo-wa samibe na Almasihu kəm-

buram Alaben napsənadəbe aworo karəgə yikkowo. Awo samibero karəgə yikkowo, wande awo dinabero karəgə yikkuwī. Awoa nuwa, rondo ye na Almasihuben suro Alaben karga. Almasihudə shima rondo, yim bayentiya, nandi ye nərgaaro nərganzən rokko bayentuwi.

–Kolosiwu 3:1-4

Am Yisa Almasihubemədə, hal tigəbe-ajarawanzə-aso kəlza ceshənəna. Kəndəgande kəndəga Ruhu Alabebeman kargaga, wande dawarnyende kəndəga Ruhu Alabebedəman dəgəiyowo. –Galatiwu 5:24, 25

“Kuru futu nawi Musaye karaan kadidəga rozəgənadəgai dole Tada Kambe yega rozaai, kəla adəben ndu duwo yaye shiga kasatsənamadə ro abadabe səwandin.”

–Yahaya 3:14, 15

Nyi Ala tilo haiyabedəga noza, Yisa Almasihu kamnəm notəmmadəga noza-adə, adəma ro abada abadinbewo.

–Yahaya 17:3

“Ndu duwo yaye Tadadəga kasatsənamadə ro abadabe səwandəna, amma kam Tadadəga kasattəro wazənamadə ro-ro gayinbawo, illa sai Alaye

shiro gərgataanzə kəlanzən dəmjin.”

–Yahaya 3:36

“Ndu duwo yaye mananyiga fanzə kuru kam wuga sunotənaga kasatsənamadə, ro abadabe səwandəna. Shiro howum sadinbawo, saawunzədə kərmun falzə roro isəna nankaro.”

–Yahaya 5:24b

Her adə ye dinamə napsənyin... amma kərma ngoshi fəlangtə Nzəkkawomande Yisa Almasihuben Alaye bayenzəna, shima kərmuga yizəgə ro-a kərmuba-a busharamben fetero tawatsuwo.

–2 Timoti 1:9b, 10

Ruhu Alabe kəlanzə-a tigənde-aye andi duli Alabero tawatsaain. –Rumanwu 8:16

Andiro ro abadabe cina wono, ro adə ye suro Tadzanzəben. Kam Tadzadəga səwandənama-də ro səwandəna, kam Tada Alabega səwandənyimadə shilan ro bawo. Ummawa nandi Tada Alabega kasannuwaso.

–1 Yahaya 5:11b-13a

Shara Alabega gaiyenga adən Alaga nonyenaro tawatkəgəiyen.

–1 Yahaya 2:3

“Ndu duwo yaye mananyiga kasatsə zəganamadə, shima kam duwonyi wuga səragəna-

mawo. Awanyi ye kam wuga səragənamadəga sərayin, wu ye shiga raake haakaza kəlan-yiga shiro fəlegəkin.”

–Yahaya 14:21

Andi dulinzəro tawattaaro Ruhu Tadzanzəbe karəgəndero səkkəna, “Bawa, Bawa,” shin.

–Galatiwu 4:6

Futu shi suronden andi ye suronzənro nonyenadə masayiwa Ruhunzə andiro cinadəmben nowaiye.

–1 Yahaya 4:13

“Labudda haiyaro nandiro gulnzaakin, kam wuga kasatsənamadə ro abadabe səwandəna.”

–Yahaya 6:47

ALMASIHU KARƏGƏNƏMLANGA TAMTAMNƏMMA

“Wuga kərma nanəmro iskin, awo gulngəna anyi ye dinan kargako duwonyi gulwoko, saawunzədə kurno duwonyi karəgənyilan fangində karəgənza yen tai dazə fanza nankaro.”
–Yahaya 17:13

“Kərmadəro karəgəndo kuttu, amma wu-a nandi-a turiyeiya, sa adən karəgəndo kəjijin, kuru ndumaye karəgəkəjindoga baro sədinbawo.”
–Yahaya 16:22b

Awoa kərmai Alabedə kəla kəmbu-a kənza-aben gənyi kargə, shidə awo Alaye sərəgəna

kəndo-a tawaa-a karəgəkəji Ruhu Alabeye suwudində-aben karga. –Rumanwu 14:17

“Almasihu-a konuko, wu gənyi roa dəgako, Almasihu suronyilan dəga. Kəndəga duwonyi kərma tigən dəgakənadə, Tada Alabe wuga sərəwu wu nankaro ronzə cinadəga kənzəsəralan kargako.”
–Galatiwu 2:20

Karəgəkəjinyi nandilan dəga karəgəndo tai dazə kəjizə nankaro.
–Yahaya 15:11b

Nonuwī wa, kam laaga kəngayoro kasannuw kəlandoga yiwiya nandi kənji awo shiga gauwadəbero? Bigə jiyau yen nandi kənjinzə kərmuro nzasadin, Ala kəngayoro walwono yen nandi kənjinzə awo Alaye səragəna diuwi.

–Rumanwu 6:16

Adəgaima kəlewa səlaiyin cidanzə tamowononya, shafatəma am shiga zaanabe fərtəro abadaro walzə.

–Ibranawu 5:9

Nandi kuttu ruwabe karəgə gənazə, andibe ye gənajin. Adə sai yim Bargaande Yisa shi-a

malaiyawanzə-a samin isainna duwo. Kam wahayi Bargaande Yisa Almasihubero ashizəna-a am Ala nozanyi-adə yim adəa kannu sambinlan azawajin. Azawu abadaro dəmjninlan azawatai; Kəma-a kəntuwo nərganzəbe-a sandi-adə shimtəri. –2 Tasoloniwu 1:7-9

“Am kazəmunza tulzana, izununza kəska robe kəmbubea cinnamben bərnyidəro gasayində kəjinza!” –Wahayi 22:14

Awoa na Alaben am Taure fanzanaso gənyi dalzain, sai am Tauredəga zaanaso.

–Rumanwu 2:13

34 ALMASIHUGA AM GADERO SATTƏGƏDƏ MBU

Kuru adəgaima nərga Ala Awandebero samma Yisa Almasihudə shima Kəmandeworo satsain. –Filifiwu 2:11

“Ndu duwo yaye fuwu amben wuga kasatsənamadə, wu ye fuwu Awanyi samiben shiga kasanngin. Amma ndu duwo yaye wuga nozənyi sə fuwu amben angərzənamadə, wu ye shiga nongənyi nge fuwu Awanyi samiben angərngin.”

–Matiyu 10:32, 33

Futu kərmaləm Ruhu Alabebe nonuwidə, ndu duwo yaye Yisadə shima Almasihudəworo kasatsə kuru naptə

kamben dinaro kadioro kasatsənamadə, shima Alabewo.

–1 Yahaya 4:2

Ndu duwo yaye Yisadə Tada Alabero kasatsənamadə suro Alaben karga, Ala ye suronzən karga.

–1 Yahaya 4:15

Yisa Almasihuga Kəmaro cinəmin sannəm, Alaye shiga kərmun səsangənarə karəgənəmin kasannəmiya, katəmma. Awoa karəgənəmin kasannəm duwo fuwu Alaben dalləmin, adəgaima cinəmin sannəm duwo katə fandəmin.

–Rumanwu 10:9, 10

Hangal gənanowo, kəlando-ro ciskəgənowo! Kəladondo Yiwulisa bəndi kura ngurn-gurjingairo kam kəntabe majin. Kəla kənzəsərandoben ngə-
laro danowo shiga mbəllowo.

-1 Biturus 5:8, 9a

Balimi duwonyi shilan ngawetiyenadə jili dinabedə gənyini, shidə kəntuwo Alabe kufu dunoaga sanajin.

-2 Korintiwu 10:4

Daji Ruhu Alabeye Yiwulisyaye Yisaga rizapsəro Yisaga karaaro cutuluwo. Yisyaye shiro wono, "Nanyi kolle, Shetan. Kitawuye gulzəna, Ala Kəmanəm abanne, kuru shi bas-

ro nəmwaladi dero." Daji Yiwulisyaye shiga kolwono; malaiyawaso ye isa Yisaga fatca." -Matiyu 4:1, 10, 11

Awo dargedajiro gulngində, suro duno kəntuwo Kəmben dunoanowo. Nəmmangər Yiwulisabe gərtəro tilomiro kare kərigəbe Alabe gonowo.

-Afisawu 6:10, 11

Nandi am awando Yiwulisabe, kuru nya awandobedəma kəndoro manuwi; shiga burwومان kamceji. Jirela yen shi bawo, saawunzədə shilan jire ba nankaro. Kattuwu kamjiya ye, caman adəma halnzəwo,

-Yahaya 8:44

Dulidə sandi kamdəga, shi ye aləgənza gozə kərmunzəmben Yiwulisa kwana shi kəntuwo kərmube rozənadəga yizəgə.

–Ibranawu 2:14

Kam bigə sədinmadə Yiwulisabe, awoa shi Yiwulisadə burwonzəman bigə kəndoma. Awo duwonyi səkkə Tada Alabe dinaro isənadə cida Yiwulisabe bannatə nankaro kadio.

–1 Yahaya 3:8

“Shimnzaga fərəmnəm kəlməskəlan sandiga tuluwum nurro kudəmin; kərmai Shetanbe yen sandiga tuluwum kərmai Alabero kalakkəgəmin.

Gafəra bigənzabe sawandə am wuga kasatsa amnyiro walzanabe rokkon nəmanza sawandin.”

–Kingayama 26:18

Ndu kərawo Almasihubelan andiga firjin? Kaimefar la, ngənəwu la, basari la, kəna la, awo zaktəbe ba la, mashiwa la, kərmu? Adə samman yaye, shi andiga sərəgənadə futamben na kənasarbemaga konyena.

–Rumanwu 8:35, 37

Saawu adəbero Alaga gaiwo, Shetanga mbəllowo duwulindolan suluyin. Na Alabero gərtəgənowo, shi ye nandoro gərtəgin.

–Yakub 4:7, 8a

KƏRAWODƏ SHIMA HAL FUWURAWABEWO 37

Təlam ambe nongəna malaiyawabe nongəna duwo kərawo wulan baro waljiya, kongil zanəm au faranti yelləmgai kalala ngəwu bas tako.

–1 Korintiwu 13:1

Amma hal Ruhu Alabebədə: kərawo-a karəgəkəji-a nəlefa-a kanadi-a her-a nəmzaiza-a jire-a nəmfashe-a kəla nzəliwo-a.

–Galatiwu 5:22, 23a

“Wuga rawuwamaro walwonoga, awo nandiga yikkəkəna diuwi.”

–Yahaya 14:15

Kamye, “Alaga raakəna,” shin duwo kamanzəga wazənamadə Alaga sərəgənyi kattuwu kamzo. Saawunzədə ndu du-

wo yaye kamanzə shimnzəye surunaga wazənamadə Ala shimnzəye surunyidəga raksə sərəyinbawo. –1 Yahaya 4:20

“Kamandoga tərəwuwamaro walwonoga, adən nandi ummanyiro am sammaye nozai.”

–Yahaya 13:35

Kərmun luyiye roro gayiye-naro nonyena, saawunzədə kamandega rayiyena nankaro. Kam kamanzəga sərəgənyimadə suro kərmuben karga.

–1 Yahaya 3:14

Awoa Alaga kərawodə awo Alaye gulzəna kəngadəma. Kuru awo gulzənədə ye kəngaro zau gənyi. –1 Yahaya 5:3

38 YISA ALMASIHUBE KƏRMUN CITƏNZƏ

Ngawo Yisa ladəa fajar ro-
aro walzə cizənaben burwo
salakkin Meram Magdala ka-
mu shilan jindi tulur sutulu-
wunadəro fəleyatəgə.

–Markus 16:9

“Awo duwonyi cidi yaudiwa-
ben sədəna-a suro Urusheli-
maben sədəna-a sammabe an-
di shadanzə. Kəskaro shiga ro-
zaa cesheno, amma shiga ces-
henənabe kawu yakkədə Ala-
ye roaro shiga sədə kərmun sə-
sangə shimndero fəleyatəgə.
Cizənadə andi Alaye burwo-
man shadamanzəro karzəna-
dən nguronro am sammasoro
gənyi fəleyatəgə. Ngawo kər-

mun cizənaben andima am
duwonyi shi-a rokko masana
sadə nji rokko sasanasowo.”

–Kingayama 10:39-41

Adə kozənabe kawu wuskua
cabegai fuwurawadə faton ci-
nna kəlanzaro zaksaana To-
ma ye rokkonzalan duwonyi,
Yisa isə dawunzan gam dazə
sandiro salamjiwo. Tomaro
wono, “Yasərai wande shegəye
nyiga sətanyi, kude ngulon-
donəm na adəro yikke mus-
konyiga wune, ngo shitinyi
muskonəm kude yikke,” wono.
Daji Tomaye shiro, “Yaa Kə-
manyi, Yaa Alanyi,” wono.

–Yahaya 20:26-28

KƏRMUN CITƏDƏ SHIMA AWO KARƏGƏRO YIKKIYENAWO

39

“Zaman laaro kawuye andi-ga saadin, hattaa kərmadəa zamandən kargaiye, zaman adə ye shima zaman duwonyi maituwaye kowo Tada Alabe fanzainbe, kuru am duwonyi kowonzə fanzanaso ye ro sawandin. Wande adə gulngəna nankaro ajamnuwī, awoa yim laa kawuye saadə am duwonyi kawarnyin dasawuna samma kowonzə fanza kawarlan soluyin nankaro, sa adəlan am duwonyi kəndo ngəla sadənadə cizaiya roro tamin, amma am kəndo diwi sadəna-

masodə cizaiya na howumbero kozain.”

–Yahaya 5:25b, 28, 29

Almasihu karəgənəmin kar-gaga, tigənəmdə bigə nankaro nuin yaye, fuwu Alaben dal-ləmma nankaro Ruhu Alabe nyiro ro cin. Adəgaima Ala shi Yisa Almasihuga kərmun sə-sangənadəbe Ruhunzə suronəmlan dəganaga, shi Almasihuga kərmun sə-sangənadəye hurmo Ruhunzə suronəmlan dəganadəbe nankaro tigənəm kənumadəro ro cin.

–Rumanwu 8:10, 11

Jamanzəga nzəkkaworo isə kurwowu amnzəbe gozəna... Andiga musko kələdowandebelən səmowu, ritə baaro shiga gaiyen, suro nəmtahir-a nəmmumin-aben fuwunzən hattaa kawu tawawanyenro.

–Luka 1:68b, 74, 75

Yaa amanmandeso, wadə anyi samma Alaye andi nankaro gowonodəga, nda awo-wa tigənde-a ruhunde-a banazai sammalan kələndega tuluyiyowo, Alaro ritəro kəndəga Alaye səragəna ciplan dəgaiyowo. –2 Korintiwu 7:1

Aramiwandeso, hal Alaye

səragəna nanden liuwa, sawu adəbero su Bargaande Yisaben nandiga donye bariyatəgəiye, martənowo halndo ngəla kərmabe diuwidəga kəzənarə ngələzə. Izunu Bargaande Yisaben awo nandiro gulnyena samma nonuwa. Awo Alaye nandon mazənadə, napta nəmtahirbe; kuru nyime sharaye wazəna samman kələndoga tuluwowo. Adəgaima ndundo woso diwal Alaye səragənalən kamu səmowu. Awoa Alaye tahir dəgaiyoworo wonya, nəmdiwin dəgaiyoworo andiga bowozənyi.

–1 Tasoloniwu 4:1-4, 7

Adəgaima Yisa ye jama Alabega bunzən bigə baro dioro ngawo bəlaben ngənəpkatə.

–Ibranawu 13:12

Kawu dina alaktinman burwonro awo waata ban fuwunzən dəgaiyoworo Alaye andiga karzə jama Almasihubero walgaiye. Kərawonzə nankaro... hal bəlin Alabē kəruminbe tahirde təkəmuwo.

–Afisawu 1:4; 4:24

Amma kərma ba nandiga bigəro nzakkawu kənji Alabero walluwa; riwandodə ye nandi tahir, dargenzədə ye ro abadabe fanduwı. –Rumanwu 6:22

Amma bigəndega Alaro satkəgaiyeiya, shi Aladə adal ye wadənzə namjinba nankaro andiga gafərzə, awo diwi samma karəgəndelan sutuluwu andiga tahirro sədin.

–1 Yahaya 1:9

Abi-a abiana-aso futu adəgaiyin yitəgindəga, am jilibiro walluwiya ngəlawo? Ibadama hal Alabearo wallowo.

–2 Biturus 3:11

Himma gonowo am samma katendo kələwaro tahir dəgaiwo, nəmtahirdə бага nduma raksə Kəmaga surinbawo.

–Ibranawu 12:14

“Nandi diwidə yaye awo ngə-la tadandoro kənjo nonuwadəga, futubigairo gəle Awando samibeye am shiga soworunasoro Ruhunzə cin!”

–Luka 11:13

Alaga aduza daanya, na duwonyi saptanadə karkar lowono. Kuru sandi sammaga Alaye Ruhunzən cimbəlio. Adəgaima mana Alabe yega karəgə gowataaro satsainro kashirwu. –Kingayama 4:31

Ruhu Alabe tawadəmaro karəgəndolan dəganamaro walwonoga, nandi hal tigəben gənyi hal Ruhu Alabeben kar-

gau. Kam karəgənzəlan Ruhu Almasihube bamadə, shi Almasihube gənyi. –Rumanwu 8:9

Yaye Ruhu Alabe kəlandoro zəpsəgiya, kəntuwo fanduw. Nandi ye sattəgəmanyiro waluw. –Kingayama 1:8a

Shi Barnabasdə shi kam zai-za Alaga tai dazə kasatsəna kuru Ruhu Alabela yen ferro tədəna. –Kingayama 11:24a

Amma ummawa Kəməbesodə karəgənza zauro kəji ye, kuru Ruhu Alabe yelan ferro tatəmbəliwuna ye.

–Kingayama 13:52

WADƏWA AJABBA AM MASIHIYA ZAANASORO 43

Suro adəben andiro wadən-zə kura martawaa wadəzəgə-nadə sadə, adəmben nandi ye halnzə gonowo jarawa du-wonyi dinaga nyimejindəro katənoworo. -2 Biturus 1:4

Yisaye shiro wono, “Ranggin-maga? Ai, kam kasatsəna wo-soro abiso mowonjin,” wono. -Markus 9:23

Sawawanyiso, kəla kuttu zau nandiga rizaptə nankaro ru-wi adəben wande awo laa fai nandiro waazuwogairo ajam-nuwī. Lala, susu adəbedəro kurnotənowo, saawunzədə kuttu Almasihuye surunadəman nandi ye kaando fanduwi nan-

karo, adəman kuru yim nər-ganzə bayentənaadə karəgən-do tai dazə kəjijin.

-1 Biturus 4:12, 13

“Adəgaima shimalonza sam-maga cetcin. Fuwun kərmu ye ba karəgəkutta ye ba wala so-a wala zau fantə-a, saawun-zədə lamar dinadə ba kozəna nankaro.” -Wahayi 21:4

“Yaye anyisodəroga, burwo hawallan kərmai Alabega ka-sannuw awowa shiye səragə-na kəndo-aro karəgə yikkowo, awowa anyimasodə ye samma nandiro foksaain.”

-Matiyu 6:33

44 WADƏ AM JARAWAYE SUWANDƏNASORO

Awoa saawunzədə sokku shiga jarapsanadən ngənəptəna adə nankaro, am jaraptainga banaro rakkono.

–Ibranawu 2:18

Adəgaima Ala kəmanzə nəlefabə ye daji duwa Shetanga cidiro sutsəgə gəwatgəwanuwi.

–Rumanwu 16:20a

Jarawabima amga səwandinsodəga kozəna nandiga səwandənəma bawo. Adəgaima Aladə wadənzə namtəma gənyə, saawu adəbero jarawa dunondoga kozənan kolzə jaraptuwāwo. Jarawadə ishīro

walwono yaye nandiro duno cə jarawadəro katuw nasartuwi.

–1 Korintiwu 10:13

Aladə nonyena futubison abiso her nankaro am shiga saragənasoro sədin; amdə sandima am duwo nishiwunzəye suru bowozənasowo.

–Rumanwu 8:28

Shi nəmsəmbandero abi lambonyima gənyə, awoa futu futubison jaraptiyenagai shi ye futubison shiga jarapsana, amma bigə sədənyə.

–Ibranawu 4:15

“Kam nasartənamadə adə samma zəgantin, adəgaima wu Alanzəro walngin, shi ye tādanyiro waljin.” –Wahayi 21:7

“Kam nasartənamadə shiga wasəla fato Alanyibero dikin, kuru gadero suluyinbawo. Adəgaima tigənzəro su Alan-yibe-a Urushelima bəlin bəryi Alanyibe samin na Alan-yiben zəpcində-a sunyi bəlin-aso ruwogəkin.” –Wahayi 3:12

“Kam nasartənamadə, shi ye sandigai kare bulro gayin, kuru təmmaro sunzəga kitawu roben tuluwukinbawo.

Adəgaima fuwu Awanyi-a malaiyawanzə-aben shi kakke ngin.” –Wahayi 3:5

“Kam nasartənamadə, futu wu ye nasartəke wu-a Awanyi-a dəgalinzən namnyenadəgai shiro izunu yike wu-a shi-a dəgalinyin namnyen.”

–Wahayi 3:21

“Kam səmonzəamaro walwonoga, awo Ruhu Alabeye karapkawa jama Alabebero gulzəgində fanzə. Kam nasartənamadə, shiro izunu yike kəska robe zanna Alaben dəganadə zəwin.” –Wahayi 2:7

46 ALAYE KƏLA KAMU DƏPTABEN MANAJI

Am kamuasodə yero shara adə yikin, wu gənyi Kəma co: wande kamu kwanzə-a fir-tanyi. Firtiro walwonoga kwa ba ngai dəga, adə gənya na kwanzəbero waltə kwanzə-a solota. Adəgaima kwa ye wande kamunzəga dəpsənyi. Kamudə kawu kwanzə roa karga wosoro kəlanzən nyiyaa; amma kwadə bajiya nduyaye ron-zəbe səmoyin, amma kamdə Kəmaga kasatsənaro walzə.

-1 Korintiwu 7:10, 11, 39

Mizanro nyiyaro wuntəgiya, kamudə kawu kwanzə roa karga wosoro musko kwanzəben

kargaro sharaye shiga sərye-rəna, amma kwadə bajiya sharadəye kəlanzən nyiyadə baro sədəna. Saawu adəbero, kwanzə roa duwo kwa gade səmoyiya, kənzənama shiro gultin. Amma kwanzədə bajiya, shara adəlan witəna, shi kənzənama gənyi wolau kwa gade səmowunason yaye.

-Rumanwu 7:2, 3

Amma wu nandiro gulnza-akin, ndu duwo yaye kamunzəga kəla aiwu kənzənaben gənyi dəpkonoga, kənzənaro shiga cikko. Kuru ndu duwo yaye dəpkata səmowunamadə kənzəna sədo. -Matiyu 5:32

“Yim lenge na nandiro dawarngiya, waltəke iske nandiga nanyiro yadəkin. Adən na wu dəgakənalān nandi-a rokko dəgaiyen.” –Yahaya 14:3

“Sa adəlan alamaram kənshe Tada Kambebe samilan bayentin, am dinabe samma kəla shiben shesherin, daji sa adən Tada Kambe samin suro fowoben kəntuwonzəa zauro nərgaaro ishin sorin.”

–Matiyu 24:30

Sawawanyiso, andidə kərma ba duli Alabero walnyena; awo na fuwun walnyenmadə kərmadəro bayentənyi duwonyi amma sokku Almasihu ba-

yentiya Almasihugairo walnyendəro nonyena, awoa futu shi dəganaro shiga ruiyen. Ndu duwo yaye adəlan təmanzəamadə futu shilan bigə badəgai shi ye bigəro katə.

–1 Yahaya 3:2, 3

“Ndu duwo yaye dina diwi bigəa adəlan wu-a mananyi-a sattəgəro nonguzənamadə, Tada Kambe ye yim nərga Awanzəben malaiyawa Alabe-a....”

–Markus 8:38

“Nandi ye dawargata dəgaiwo, saawunzədə Tada Kambe ye tadəndoan gənyi ishin nankaro.”

–Luka 12:40

48 MANA ALABE

“Sami-a cidi-a baro walzain,
amma mananyi bajinbawo.”

—Luka 21:33

Saawunzədə kawuli nawi-
wabe ndasoma nya kamben
isəna bawo, Ruhu Alabe am
shimozə kawuli Alabe wur-
mozaa. —2 Biturus 1:21

Ilmu samma yintə Alabe, am
allamtə-a wusatə-a shimotə-a
awo Alaye səragəna kəndoro
am allamtə-asoro faida.

—2 Timoti 3:16

Mana Alabedə zauro dunoa,
kashaar timi indiamaro timi-
awo. —Ibranawu 4:12a

MODUANE—GAFURNE

“Ngo futu moduwanuwidə:
‘Yaa Awande samibe, sunəmgā
darajatə, kərmainəm mowon-
zə, awo raamma dinan tədə fu-
tu samin tədindəgairo. Andiro
kəmbunde kube sade, bigənde-
ga gafərne futu andi ye aman-
dero gafərgəiyenadəgairo. Wan-
de andiga jarawaro yikkəmī,
kəladodəro dapsane.’ Saawunzə-
də amye nandiro aiwu sadə
sandro wawuw gafərnuwiya,
Awando samibe ye nandiro wa-
zəgə bigəndo gafərjin. Amma
amye nandiro aiwu sadə san-
diro wawuw gafərtəgəro wanu-
wiya, Awando samibe ye nan-
diro wazəgə bigəndo gafərjinba
nankaro.” —Matiyu 6:9-15

ZAWAL ALABE SHAFI FANDIBE

Shafatama mangin.

Bani adam samma biga sada, adagaima naga Alabero zutsanyi. -Rumanwu 3:23

Almasihu wu nankaro konu.

Saawunzade Almasihu kalandama bigande baro kendoro kala bigandeben tawaliro tilo longro konu; shi ngelade andi am diwiga na Alabero kudoro biga andi am diwibero konu.

-1 Biturus 3:18a

Wu biga wangana tepngin.

Ada nankaro tamnowo Alaro kalaktaganowo bigawandoga cinza. -Kingayama 3:19

Kasangana Yisaga mowokin.

Yaye am duwonyi shiga samowu sunzaga kasatsanamasodero naga duli Alabe kaino. -Yahaya 1:12

Shafatekenaro tawatkegin.

Kam Tadadaga sawandanamade ro sawandana.

-1 Yahaya 5:12a

“Labudda haiyaro nandiro gulnzaakin, ndu duwo yaye mananyiga fanza kuru kam wuga sunotanaga kasatsanamade, ro abadabe sawandana. Shiro howum sadinbawo, saawunzade karmun falza roro isana nankaro.” -Yahaya 5:24

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.
World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

www.wmpress.org

5-18

303 Kanuri HFA